



Broj:
Sarajevo,

Na osnovu člana 33. stav (3) Statuta Grada Sarajeva ("Službene novine Kantona Sarajevo", broj: 7/23), člana 2. Odluke o radno pravnom statusu zamjenice predsjedavajućeg Gradskog vijeća Grada Sarajeva broj: 01-GV-02-858/23 od 31.05.2023. godine, i člana 10. stav (3) Odluke o platama i naknadama u organima Grada Sarajeva ("Službene novine Kantona Sarajevo", broj: 4/23), Administrativna komisija Gradskog vijeća Grada Sarajeva, donosi:

Radni materijal

RJEŠENJE
o prestanku radnog odnosa

1. **Mireli Džehverović**, zamjenici predsjedavajućeg Gradskog vijeća Grada Sarajeva, prestaje radni odnos zasnovan na određeno vrijeme u Gradu Sarajevu.
2. Radni odnos imenovanoj prestaje dana 11.06.2023. godine.
3. Imenovana će, do isteka mandata, dužnost zamjenice predsjedavajućeg Gradskog vijeća Grada Sarajeva obavljati volonterski i neće ostvarivati prava iz radnog odnosa u Gradu Sarajevu.

Obrazloženje:

Pravni osnov za donošenje rješenja sadržan je u članu 33. stav (3) Statuta Grada Sarajeva ("Službene novine Kantona Sarajevo", broj: 7/23) kojim je propisano da predsjedavajući svoju dužnost obavlja profesionalno, a zamjenici predsjedavajućeg svoju dužnost obavljaju volonterski, osim ako Gradsko vijeće ne odluči drugačije. Gradsko vijeće Grada Sarajeva je na 28. sjednici održanoj dana 31.05.2023.godine donijelo Odluku o radno pravnom statusu zamjenice predsjedavajućeg Gradskog vijeća Grada Sarajeva broj: 01-GV-02-858/23 kojom je precizirano da će do isteka mandata, dužnost zamjenice predsjedavajućeg Gradskog vijeća Grada Sarajeva obavljati volonterski i da neće ostvarivati prava iz radnog odnosa u Gradu Sarajevu.

U skladu članom (2) naprijed citirane Odluke a u vezi sa članom 10. stav (3) Odluke o platama i naknadama u organima Grada Sarajeva ("Službene novine Kantona Sarajevo", broj: 4/23), propisana je nadležnost Administrativne komisije Gradskog vijeća Grada Sarajeva koja će donijeti Rješenje o prestanku radnog odnosa temeljem zahtjeva imenovane sa tačno navedenim datumom prestanka radnog odnosa.

Imenovana je dana 07.06.2023. godine podnijela Zahtjev za donošenje Rješenja o prekidu radnog odnosa protokolisan pod brojem 04-30-4713 u kojem je kao datum prestanka naveden 11.06.2023.godine, a u skladu sa Odlukom o radno pravnom statusu zamjenice predsjedavajućeg Gradskog vijeća Grada Sarajeva broj: 01-GV-02-858/23 od 31.05.2023. godine, a sve u svrhu zasnivanja radnog odnosa na puno radno vrijeme na Univerzitetu u Sarajevu – Institutu za genetičko inženjerstvo i biotehnologiju od 12.06.2023.godine.

Cjeneći naprijed navedene razloge, riješeno je kao u dispozitivu ovog Rješenja.

Pouka o pravnom lijeku:

Protiv ovog rješenja imenovana ima pravo izjaviti žalbu Komisiji za drugostepeno upravno rješavanje Gradskog vijeća Grada Sarajeva, u roku od 15 dana od dana prijema Rješenja.

Predsjedavajući Administrativne komisije

Dostaviti:

- Imenovanoj
- Služba za finansije
- dosije

